

“Gya Gouh Dawh Ndeu”

“加一双筷子”

武鸣县仙湖镇中桥小学四(2)班 潘俊霖



Ndwencieng dwg aen ciet bouxboux cungj muengh ndeu, ndwencieng hix dwg saedcej vunzranz doxcomz. Gou ngoenzngoenz cungj muengh ndwencieng daeujdaengz, muengh bae muengh dauq, ngoenzneix, dauqdaej daengz cieng lo.

Ngoenzndaep banhaet, daxmeh youq ndaw ranz suek faengx, gou caeuq daxboh angqvauvau dwk bae gai cawx doxgaiq. Raeuz youq ndaw haw nauhyied haenx youz le song aen lai cungdaez, cawx ndaej haujlai doxgaiq. Ma daengz ranz, raeuz youh nem cih “fuk” dauqdingq, venj daengloengz, doeklaeng, gaj gaeq gaj bit. Nyaengq baenz buenq ngoenz, dauqdaej cawj byaekcaez ndei lo.

Mbwn laep lo, daengx ranz vunz humx aen daiz hung yaek gwn caeuzndaep. Sawqmwh daxboh ndwn hwnjdaej naeuz: “Gou cadilumz lo.” Doq gangj doq byaij okbae. Caezgya cungj geizheih dwk yawj de. Gvaq yaephe, cij raen daxboh rag fwngz Goenggienz byaij haeujma, de riu dwk naeuz: “Daeuj, gya gouh dawh ndeu, haemh neix Goenggienz caeuq raeuz itheij gwn caeuz.” Gou dingq le sikhaek ndwn hwnjdaej bae aeu vanj dawh, seizneix daxboh gaengq cingj Goenggienz naengh haeuj daiz lo, Goenggienz mbouj ndei eiqsei dwk naeuz: “Yienghneix mazfanz sou lai lo.” Gou daek vanj haeux ndeu song fwngz ndenq hawj Goenggienz, riunyumj dwk naeuz: “Daxgoeng, mwngz gaej guhhek, ansim caeuq raeuz gvaq haemhndaep ba!” Daxboh ciepdwk naeuz: “Dwg ha, dwg ha, Daeggienz bineix ndwencieng cizbanh, mbouj ndaej ma caeuq mwngz gvaq cieng, raeuz couhdwg lwglan mwngz, mwngz couh caeuq raeuz itheij angqhoh ndwencieng, gaej guhhek, mwngz daeuj dou mboujgvaq dwg gya gouh dawh ndeu ne.” Goenggienz gamjdoengh dwk gangj mbouj ok vah daeuj.

Raeuz caez dawz dawh hwnjdaej, gwn byaek gwn haeux, daihgva angqcomz giz ndeu, doengzcaeziengjsouh gij angq ndwencieng. (指导老师:潘芳兰)



Daxmeh Gou 我的妈妈

贵港市覃塘区蒙公乡高占小学三年级 黄欣茹

Daxmeh gou bi neix 32 bi, ndang mbouj sang hix mbouj daemq, mbouj byom hix mbouj biz, byoemgyaeuj raezrangrang, hoeng miz haujlai byom hau lo. Gou cam daxmeh vih gijmaz miz haujlai byoem hau, daxmeh gangj dwg nienzgeij laux lo. Gou rox, daxmeh dwg vih gou causim, guhhong daiq sinhoj cix miz byoemhau.

Daxmeh gig gvensim gou, gig gyaiez gou. Geiq ndaej bi' gvaq ngoenz ndeu, yaek cuengqhag seiz, mbwn laep-ngaungau, yaek fwn doek lo! Lauxsae gangj: “Gyoengq doengzhag mbouj ndaej gag baema, itdingh aeu youq ndaw gyausiz caj bouxlaux daeuj ciepi ndaej baema!” Mbouj geij nanz, couh fwn doek caca lo. Gyoengq doengzhag boux daengz boux laebdaeb miz bohmeih ciepi baema lo. Doeklaeng, ndaw gyausiz cij lw gou boux ndeu lo. Gou gig hozndat, gag gangj gag naeuz: “Daxmeh ngoenzneix mingzmingz youq ranz, mbouj bae bang vunz daetoij, hix mbouj miz gijmaz hong guh, vih gijmaz lij caengz daeuj ciepi gou ne?”

Caj haujlai nanz, gou miz di simfanz lo, couh byaij okbae yawj: “Yi, haenx mbouj dwg daxmeh gou ma?” Daxmeh byaij daengz henz gou, gou miz di hozgaek dwk naeuz: “Daxmeh, mwngz caen mbouj aeu gou ha, vihmaz daengz banneix cij daeuj ciepi gou?” Daxmeh lienzmuengz naeuz: “Dungzdungz, doiq mbouj hwnj, daxmeh daeuj gvaiz lo, mwngz ngaiz caj nanz lo.” Sawqmwh, gou yawjraen gwnz fwngz daxmeh nem gij gyauhbu dwkcim, laxlawz daxmeh ngamq bae dwkcim ma. Gou gig ienqhoij, gou mbouj wnggai yienghneix mbouj cam yenzyinh couh gvaiz daxmeh. Yawjraen daxmeh ndangdaej gig nyieg, lij soemh fwn daeuj ciepi gou, raemxda gou doek roengzdaej lo. Daxmeh uet raemxda gou, riu naeuz: “Ndang gou gaengq ndei lo, lwg ha, vaiq di baema ba!”

Ma daengz ranz, daxmeh daek raemxndat hawj gou dajcaemx, youh gvensim dwk cam: “Dahlwg, haemh neix mwngz siengj gwn gijmaz byaek ne?” Neix engq hawj gou gamjdoengh lo.

Neix couhdwg daxmeh gou. Daxmeh gyaiez gou, gou hix gyaiez daxmeh! (指导老师:覃珍团)

Roegwh'wz Hojlien



悲哀的小夜鹰



Duz roegwh'wz he fatyienh benq reih ndeu, ndaw reih miz benq doenghgo daemqded he hai va angjlwenq, ndigah gietdingh maeuq youq henz souj cajdeq va loeng giet mak.

Roegwh'wz sinsin hojhoj caj baenz geij ndwen, cungj mbouj hawj gij roeg wng depgyawj, lauhei gyoengqde ciengj gwn gij doxgaiq gwn neix.

Gij va haenx caen maj baenz aen baenz mak lumj makdauz iq nei okdaej lo, makdauz iq dek lo, gij faiq hauyanyan daj

ndaw byuk mbin okdaej, laxlawz benq neix dwg benq reih faiq he. Duz roegwh'wz youh byom youh nyieg haenx saetmuengh yaek dai, nyaenx mbouj ndaej daejngw'ngw hwnjdaej.

Duz roegvaiqughvaiquguz he mbin gvaq-daeuj, naeuz duz roegwh'wz: “Mwngz yawj, mwngz coengzlaiz mbouj hawj dou dep gyawj, mboujnex dou caeux couh naeuz hawj mwngz gyawz miz gij lwgmak baenz gwn lo.”

(Yij Vwnz)

Moix baez gou bae naengh banci, cungj yawjraen gij saeh cei qbingzfan, caensaed, hix cei qhawj vunz gamjdoengh haenx……

“Ci daeuj lo!” Mbouj rox boux-lawz hemq sing hung ndeu, gyoengqvunz caj ci cungj cingsaenz hwnjdaej, comz daengz gizdieg baeznaengz daengx ci haenx ndwn, siengj boux daih'it hwnj ci ra diegnaengh ndei. Ci ciemhciemh menh roengzdaej, dingz lo, daihgva lumj duzrwi ityiengh caenx hwnj gwnz ci bae. Gwnz ci vunz gig lai, aeng ndaej cungj yaek mbaetheiq lo. Miz goeng laux daih'iek 70 bi ndeu, saenzdwdwd dwk byaij hwnj ci daeuj, baegfofo, lij ae'gyo'gyo mbouj dingz. De baez hwnj ci, couh miz vunz nyiengh diegnaengh hawj de, dah lwgsau ndeu ndwn hwnjdaej, dawz goenglaux fuz daengz diegnaengh de bae, goenglaux gig gamjdoengh, lienzlien gangj naeuz: “Docih,

Nyiengh Diegnaengh

让座

贵港市覃塘区蒙公乡
高占小学六年级 雷雨宸



docih!” Dahsau riunyumj naeuz: “Mbouj suenq gijmaz law, mwngz gaej guhhek lai, mwngz naengh ndei!” Gangj sat couh byaij daengz bakdou ci bae lo.

Goenglaux naengh youq henz ndang gou, gou deng dahcej neix gamjdoengh lo, roxnyinh swheij hix wnggai lumj de ityiengh, dawz

diegnaengh nyiengh hawj boux engq aeu bangcoh haenx, seizneix, youh hwnjdaej yah buzlaux ndeu, byoemgyaeuj de haunyo'nyo, yienznaeuz yawj hwnjbae de ndang gig cangq, hoeng nienzgeij laux lo, aeu miz diegnaengh cij ndaej. Gou cingq siengj naeuz: Daxbuz, mwngz daeuj neix naengh ba! Hoeng, vah daeuj daengz henz bak, cix baenzlawz hix gangj mbouj okdaej. Couh yiengh-neix, begbeg yawj de daj henz ndang gou byaij gvaqbae lo. Youq seizneix, byaij daengz baihdaw, daeg go ndeu

nyiengh diegnaengh hawj daxbuz. Gou ienqhoij raixcaix. Roxnyinh swheij gig mbouj miz yungh, lienz dieg-naengh cungj mbouj gamj nyiengh.

Ci youh hai bae geij aen camh, miz boux daxheiz ndeu hwnjdaej, de dingj aen dungx hung, ngauz bae ngauz dauq. Gou lienzmuengz ndwn hwnjdaej, doq fuz daxheiz daengz diegnaengh gou, doq naeuz: “Daxheiz, mwngz naengh youq gizneix ba!” Daxheiz lumh aen dungx hung swheij, riunyumj naeuz: “Docih mwngz, baengzyoux iq, caen maq-muengh ngoenzlaeng lwg gou hix lumj mwngz yienghneix roxsoq!” Gou roxnyinh naj ndatfdwfdw, ndawsim cix diemzsi.

Yaep ndeu, gou roengz ci lo, muengh aen ci bae giz gyaie, gou lumj youh yawjraen gij cingzgingj gyoengqvunz dox nyiengh diegnaengh, dox gvensim……

(指导老师:陈彩仙)